

INDEX GEOGRAPHICUS.

91 | Latit.
Gr. Scr. | Longit.
Gr. Scr.

qui ædificavit Niniven... & Chale, v. 12. & Resen quoque inter Niniven, & Chale: hæc est civitas magna. 4. Reg. 19. v. 12. & Haran, & Reseph, &c. Reseph puto idem esse, quod & Resen. Eadem repetuntur in Isaia 37. v. 12. Ressa Israëlitarum statio in deserto, inter Lebna, & Ceelatha, Numer. 33. v. 21. 22.

Rethma. Numer. 33. v. 18. Et de Haseroth venerunt in Rethma, v. 19. profectique de Rethma venerunt in Remmon-phares. Israëlitarum ergo statio in deserto inter Haseroth, & Remmon-phares.

Rhegium. In navigatione Pauli Romam: Act. 28. v. 13. Inde (è Syracuse) circumlegentes devenimus Rhegium.... secunda die venimus Putteolos. Rhegium urbs in Brutiis Italiam populis ad Fretum Siculum, nec longè à Scylla & Caribdi.

Rhodus insula & urbs, ad quam Romani scripsere in gratiam Judæorum, 1. Mach. c. 15. v. 23. Act. 21. v. 1. Paulus & Barnabas à Mileto Jerusalem navigantes recto cursu veniunt Coum, & sequenti die Rhodum, & inde Pataram.

Riphath. Genes. 10. v. 3. Filii Gomer: Ascenez & Riphath, & Thogorma. Ipsi Ascenez Galliam, Thogormæ Germaniam, Riphathi Britanicas Insulas concedimus. Vide Gomer & Ascenez.

Rogelim. 2. Reg. 17. v. 27... Berzellai Galaadites de Rogelim, Davidi, & Davidis exercitui, qui à facie Absalon fugiebant, munera, i. cibos afferat, ut & Machir filius Ammihel de Lodabar, & Sobi filius Naas de Rabbath filiorum Ammon.

Rohob, semel atque iterum ea nominatur in Tribu Aser, apud Josue 19. versibus scilicet 29. inter Abran, & Hamon, & 30. omnium hujus tribus urbium ultima. Sed dubitare liceat ne alterutrum nomen aliter legendum sit, alias non necesse fuerat ejusdem urbis & nominis repetitio. Urbs hæc postea Levitis ex familia Gerson data est, Josue 21. v. 31. & 1. Paralip. 6. v. 75. Sed & Rohob mentio est Numer. 13. v. 22. cum singularum Tribuum Principes à Moysè missi Terram Promissam exploraverunt, à Deserto Sin usque Rohob, intrantibus Emath. & Judic. 1. v. 31. Aser quoque non delevit habitatores.... Rohob.

Rohoboth fluv. Genes. 36. v. 37. Inter Reges, qui regnaverunt in Terra Edom, est Saül de fluvio Rohoboth. Sic & 1. Paral. 1. v. 48. Fortè est Euphrates, ubi urbs Rohoboth.

Roma. 1. Machabæorum 1. v. 11. Antiochus illustris, filius Antiochi (Magni) Regis, qui fuerat Romæ obses. 7. v. 1. Exiit Demetrius Seleuci filius ab urbe Roma. 8. v. 17. Et elegit Judas (Mach.) Eupoleum filium Joannis filii Jacob, & Jasonem filium Eleazari, & misit eos Romam constituere cum illis amicitiam & societatem. 12. v. 1. Et vidit Jonathas, & elegit viros, & misit eos Romam statuere, & renovare cum eis amicitiam. 14. v. 16. auditum est Romæ, quia defunctus esset Jonathas. v. 24. Post hæc autem misit Simon Numenium Romam. v. 38. Et Rex Demetrius, v. 40. audivit, quod appellati sint Judæi à Romanis amici, & socii, & fratres. 15. v. 22. 23. & Romani fœderatos suos Judæos per litteras commendant, etiam Regibus Demetrio, Attalo, Ariarathi, & Arfaci, &c. Act. 18. v. 2. quod præcepisset Claudio discedere omnes Judæos à Roma. 19. v. 21. Paulus ait: Postquam fuero ibi (Jerosolymæ) oportet me & Romam videre. 23. v. 11. Sequenti nocte assistens ei Dominus ait: constans esto; si cut enim testificatus es de me in Jerusalem, sic te oportet & Romæ testificari. 28. v. 14. Et sic venimus Romam. v. 16. Cum autem venissemus Romam, permisum est Paulo manere sibi metum cum custodiente se milite.

Ruben Tribus inter eas, quæ trans Jordanem australissima, nomen ea fortita est à Ruben filio Jacob primogenito, ex Lia uxore; sed cui jura primo-

31. 30. 67. 30.